

Cussegl naziunal

Ina bilantscha persunala

Dapi in onn èn Anna Giacometti, Jon Pult e Sandra Locher Benguerel commembers dal Cussegl naziunal. Nus avain tratg bilantscha cun els.

Adrian Camartin / Fabia Caduff

Oz, 06:03

Defensura da lingua ed egualitad

La midada dal Cussegl grond, nua ch'ella ha politisà durant circa 15 onns, a Berna sin il palc naziunal ha era purtà midadas en la vita privata da Sandra Locher Benguerel. Ella saja uss pli savens a Berna, haja era stuì chattar ina dimora per il temp da las sessiuns e da las numerusas sesidas da fracziun e cumissiun.

Dapi in onn sesa ella en la cumissiun per scienza, educaziun e cultura da la chombra gronda. Sco scolasta haja ella er ina grond'affinitad per quels temas. «Jau sun a Berna era sco represchentanta da las dunnas dal Grischun ed jau stun era en per l'egualitad.»